

館課 三月下旬



門生楊永寧

蕭曹丙魏相業評

天下之命脉託於天子、天子之倚毗、賴乎宰相、宰相者所與共天子平治天下者也。論相於三代以下、材德兼隆者、洵難其人。若或德不純而業有可觀、君子亦必錄焉。漢代之相、如蕭曹、如丙魏、稱家已然、其相業之高下、在人耳目間者、政自不可掩。嘗披讀史冊、覽其行事、而論列之。當高帝起豐沛時、蕭何以刀筆吏、仗劍從之、運籌決策、經營於艱難險阻之間者、蕭之功居多。其

韓苑會說
大者如收相府簿籍得以周知天下戶口及扼隘之處又如運糧關中接濟不窮當時高帝已以發縱指示別之雖所稱三傑者猶有韓張二人為偶而不能不讓蕭居首斯誠開代之賢相矣後繼蕭而為相者則有曹參夫曹與蕭同從高帝遊而曹獨以純篤稱其為相時一切制度俱遵蕭何之舊治尚清靜俗臻寧一可不謂賢歟然天下初定禮樂法度所當釐剔而更正之者正不知凡幾即蕭何所留遺而不暇為者猶俟曹

以為之而謂一清靜可以了其局乎君子以是嘉其守而不能不薄其功也數傳而後至於宣帝中興之令主也丙魏輔政中興之賢相也夫宣帝明過於察斷過於嚴而丙獨以寬大佐之使衆職修舉禮讓成風且宣帝即位之初獨不言保護之功亦可謂有休容之度矣及其臨終之時宣帝臨問丙薦杜于陳三人亦可謂有知人之明矣他如牛喘是問又其餘耳魏與丙同心輔佐條奏便宜直陳無隱洵矢公自靖之臣也當時朝無苟且之治而

公卿多稱位之人，真無負宣帝之為者。不賢而能
之乎？獨其處趙廣漢與霍光之後，過於刻薄議
者謂無道以濟其短，然其大節終不可泯也。尤有
可疑者，夫宣帝之朝，子弟弑父母，妻殺其夫者，不
下二百餘人，兩則置之而不問。魏則言之而不忌，二
者不相背謬歟？然兩以謂非宰相之職，魏以謂有
蕭牆之憂，各行其是而已。正不可以此置短長於
其中也。合四人而論之，蕭有開創之功，尚已。曹有之
功，雖不及蕭，然其守亦可取，兩長於量。魏長於忠，

君子謂皆有相業之可觀焉。

錦樹行 七言古

艷陽三月曉光，和春色無邊。麗景多倉庫，振
羽碧波渡。布穀流聲芳，藜過百卉菲。菲迎
旭偏芳樹艷艷，向暉宣露濯。繁葩紅綻，
葉風吹小葉綠。生妍遊人競賞氣，燠燠參差
濃淡香。又馥枝外樓臺相映明，枝底蜂蝶常
相逐。凝眸一望影，搖新似開咲。口欲迎人等閒
識得春信足，真覺清芬不染塵。

